

EXITO TOTAL DI "PARIBA, PABAO, PAZUID, PANORT"



ORANJESTAD (AAN) -- E comedia presenta pa e dos grupo di studiantenan di Trabao Social di Colegio Paso Sigur, a capta atencion total di e publico, presente diaranzon anochi na Cas di Cultura, cu a sa di responde e hobennan cu respet, cariño y comprension pa cu e mensahe cu nan kier a expresa, tocante e aspectonan positivo di EPI cu lo genera profesionalnan excelente aki tres aña, pero tambe e dificultadnan cu docente y alumnonan ta confrontando cune, e.o., falta di espacio y e necesidad pa muda pa un edificio mas adecua.

No obstante nan ta hende cu curashi y e problema por preocupa nan pero no demotiva nan, ni kibra nan, y como "un gran familia" nan ta purba tog, uni cu otro, di vence e reto. Loke DIARIO a observa tabata impresionante, ya cu honestamente bisa loke e produccion di Festesco-III cu a consisti di 7 obra (tambe di calidad halto) no a logra, esta, un sala di Cas di Cultura casi full yen, e hobennan aki si a logra.

Comentario cu un docente a duna DIARIO ta cu e studiantenan mes a traha masha duro pa bende carchi, y a logra asina yena e sala aceptablemente, cu mas publico cu loke ta normal ora tin estreno di algun obra di teatro hubenil.

E comedia riba su mes a haya hopi aplauso hasta mei mei di

actuacion, y por bisa cu e publico tabata sublime, pues a sa di compronde e tema, a sa di haci e diferencia entre e fantasia y e realidad, y tambe a sa di balora e trabao di e studiantenan cu a canta, balia, y actua na un forma mas cerca di parce experto cu principiantenan.

Harimento sin fin cu e actuacion di e "Boodoo" cu tabata sencia e salon di "Mater Dei" pa kita tur influencia di e "chollerman" y pa trece bon suerte cerca alumno y docentenan cu lo mester a ocupa e lugar. Pero tog e sencia no a haci su trabao y e mudamento no a bay door.

E imitacion di e cabesante di school tambe a causa hopi bon impresion, y hasta un maestro di otro school cu tabata gozando un mundo di e presentacion, a expresa na voz halto: "pinto pinto"-"hopi bon!" (ta kico e kier men?). Cada ken djis saca su conclusion.

E voznan di Joan Danies y Zulaika Geerman tambe a lanta reaccionnan di asombro, y comentarionan hopi positivo tocante e letra y mensahe di e cancionnan por a worde scucha tanto den e sala como durante e pause y na final di e obra.

E palabra "tremendo!" a skeiro aki y aya, y ta bon pa bisa cu den e publico tabata tin hende di tur edad, pues mucha, hoben y adultonan.

Joan su actuacion como presentadora di "Bon TV"



tambe a ranca comentarionan masha bunita mes, y no por keda sin menciona e "politico" y su "coordinador" cu e publico a haya tremendo!

E gracia di e studiantenan di WW-B pa interpreta e rol di choller, a traves di baile, a ricibi aplausonan caluroso di e publico, cu sin lugar na duda a keda masha satisfecho mes cu e comedia.

Lo no ta nada straño si peticionnan lo por bin acerca pa presenta e obra un biaha mas.

Un bunita gesto di ambos grupo: WW-A y WW-B tabata na momento cu nan a entrega e docentenan Roland

Tromp, Rosemary Provence

y Fatima den Boom un regalito como aprecio pa e trabao inmenso y valioso como instructornan.

Nan merece, pues como resultado tur hende a disfruta di un deroché di alegria cu su toke "pica" y di profundidad, cu a domina e escenario!

Lastima cu al menos na bista di un y tur, no a observa presencia di ningun ministro ni parlamentario sinta mirando e obra. Ta nan a perde!

Palabranan hopi bunita cu a conmove e presentenan tabata ora cu Joan a bisa na final, cu ambos grupo di estudiante ta considera otro, hunto cu su docentenan manera un gran familia. Union ta forza, ta e lema riba cual

nan a haci enfasis durante henter e obra.

Maestro di ceremonia tabata Juffrouw Glenda Krozendijk, cu por cierto a luci cu su look nobo masha favorable mes, ken a duna e publico un spliacion bon delinea di loke "Pariba, Pabao, Pazuid, Panort" ta nifica, con e idea a surgi, y kico ta e meta di a trece riba stage.

DIARIO ta felicita un biaha mas e elenco fantastico aki, y e 3 docentenan cu a guia e grupo den actuacion, canto y baile, cu a sa di prepara un excelente trabao, cu merece di elogio y cu en berdad ohala lo worde presenta sikiera un biaha mas!

MAURER REAL ESTATE N.V.

L.G.Smith Blvd 116

Tel 829989 Fax 829986

woningen te koop:

Sanita Cruz: verd.huis 3 sl.k., 2 b.k.+ meidk., gazebo, dubbele garage airco's,koelk.stoof, lamellen 1.109 m2 eig.gr. NU IN PRIJS VERLAAGD	Afl 615.000,-
San Barbola 4 sl.k.3 b.k. tennisbaan 3.122 m2 eig.gr. mooi aang.tuin porch,wash.zitk.dub.carp.eetk.k.k. gazebo,bergg. app.	Afl. OPTIE
Pastoor Hendrikstr. woonh+ 6 app. 2.980 m2 eig.gr.bouwverg. voet nog 3 app.+ exploitatie vergunning	Afl. 695.000,-
Picaron Verd.huis 2 sl.k., 1b.k. vliering,souterrain, garage 20.728 m2 eig.gr.2 app. bebouwde oppv.587 m2 veel privacy uniek gelegen	Afl. 750.000,-
Engelandstr.Huis+kantoor,6 sl.k.4 b.k.,1.435 m2 eig.gr.+app.	Afl. 850.000,-
Bubali 3 sl.k.2 b.k. meid.k.aangel.tuin met drip, zwembad eig.grond.	Afl. 880.000,-
Picaron, 5 sl.k.,3 b.k., 13.000 m2 eig.grond	Afl. 900.000,-
Madurostr. 5 sl.k. 3 b.k.+ meidenk.,800 m2 erfp.gr.	Afl. 995.000,-
Malmok (hacienda styl) 3 sl.k., 2 b.k., meid.k.+ b.k.,1.200 m2 erfp.gr.	US\$ 480.000,-
Malmok, 3 sl.k., 3 b.k., meidk.+b.k.en 6 app. gazebo	US\$ 1.050.000,-
Huis aan het strand, Malmok, 3 sl.k., 2 b.k., meidk.+b.k.,	US\$ 2.000.000,-

Wij zijn begonnen met een nieuw project van 21 huizen te Sabana Liber in Noord, genaamd "Casas Gran Sabana". prijzen vanaf Afl.131.500,-

REEDS 5 VERKOCHT

Bel voor informatie Maurer Real Estate N.V. Tel. 829989 Fax 829986 OF KOM EVEN GEZELLIG LANGS OP DE L.G.SMITH BLVD. # 116

(tussen Caribbean Mercantile Bank en de Toyota Garage.)